

Ilanngussaq 1**Eqikkaaneq – aningaasanik ingerlataqarneq pillugu inatsimmi aamma inatsisinik allanik assigiinngitsunik allanngineq pillugu inatsimmi nr. 268, 25. marts 2014-meersumi § 1-p ilaanik Kalaallit Nunaannut atulersitsineq pillugu peqqussut**

(Akiligassarsisitsisarfiit aningaasaatinillu piumasaqaatit pillugit malitassap naammassineqarnera (CRD IV) aamma tassunga atasup peqqussutip (CRR) malitsigisaanik allannguutit kiisalu SIFI-t il.il. tunngatillugu inatsisit)

1. Aallaqqaasiut

Kunngip peqqussutissaatut missingiummi nassiunneqartumi siunertaq tassaavoq kunngip peqqussutaatigut Kalaallit Nunaannut atulersinneqartumik aningaasanik ingerlataqarneq pillugu inatsimmik nutarterinissaq, taamaalilluni Kalaallit Nunaanni aningaasatigut inatsisit akiligassarsisitsisarfiit aningaasaatinillu piumasaqaatit pillugit malitassap naammassineqarnerata (CRD IV) aamma tassunga atasup peqqussutip (CRR) malitsigisaanik maleruagassanut naapertuutilersillugit. Taamatut nutarterinikkut kalaallit nunaanni aningaasatigut inatsisit aningaasanut tunngasuni nunani tamalaani malittarisassanut kingullernut naapertuutilersinneqassapput.

Peqqussutip matuma taamaalilluni Europa-Parlamentip aamma Rådip malitassiaa 2013/36/EU 26. juni 2013-meersoq, EF-tidende nr. L 176, qupp. 338 qallunaatuani (matuma kingorna taaneqartoq »CRD IV«) naammassivaa. Aningaasanik ingerlataqarneq pillugu inatsimmut allannguutit, peqqussummi tassani naammassineqartut, aamma Europa-Parlamentip aamma Rådip peqqussutaani (EU) nr. 575/2013, 26. juni 2013-meersumi, EF-tidende nr. L 176, qupp. 1 (matuma kingorna taaneqartoq »CRR«) aalajangersakkat atorneqarnissaannut pisariaqarput. Peqqussut manna taamaattumik CRR-ip Kalaallit Nunaannut atulersinnissaanut siunnersuuteqarnermut ataqatigiissillugu isigineqassaaq. Tamanna inatsisikkut pissaq, siunertaavorlu CRR-imi inatsit peqqussullu manna ataatsikkoortillugit Kalaallit Nunaannut atulersinneqassasut.

Danmarkimut allannguutissatut inatsit nr. 268, 25. marts 2014-meersoq, peqqussummi matumani ilaannakuusumik Kalaallit Nunaannut atulersinneqartoq, aningaasanik ingerlataqarneq pillugu Danmarkimut inatsimmi, ulloq 18. marts 2014-mi inatsisip taamatut isikkoqarneraniit, allannguiffiuvoq. Taamaattorli aningaasanik ingerlataqarneq pillugu Danmarkimut inatsimmi piffissami 2010-miit siumut aningaasaatinut piumasaqaatit pillugit maleruagassani (CRR aamma CRD IV), kunngip peqqussutaatigut Kalaallit Nunaannut atulersinneqarsimanngitsuni, arlalinnik Danmarkimi allannguisoqarsimavoq. CRD IV-mi malittarisassat, peqqussummi matumani atulersinneqarnissaat siunnersuutigineqarpoq, taamaattumik aningaasanik ingerlataqarneq pillugu inatsisip, peqqussut nr. 838, 14. august 2012-meersup peqqussutip kingulliup aamma peqqussut manna tikillugu piffissap akornanni inatsisit Kalaallit Nunaannut aatsaat atulersinneqarpata atulersinneqarsinnaapput. Assersuutigalugu aalajangersakkat arlallit, peqqussummi matumani atulersinneqartut, kunngip peqqussutaatigut Kalaallit Nunaannut atulersinneqarsimasumi aningaasanik ingerlataqarneq pillugu inatsimmi atuuttumi aalajangersakkanut akerliussapput. Aalajangersakkat taamatut imminnut akerleriittut piffissat akornanniittut atorunnaarsinneqassapput.

Piffissat akornanniittut inatsisit saqqummiunneqarneri 2015-mi ukiakkut ataatsimiinnermi ingerlanneqassapput.

Eqikkaanermi ullunut innersuussinerit tamarmik peqqussutip ulloq 1. januar 2016-mi atulersinneqarnissaa tunngavigalugu aalajangersarneqarput. Ulloq 1. januar 2016 sioqqullugu peqqussut inuussutissarsiornermut siuariartornermullu ministerimit atulersinneqarnissaat toqqarneqarpat, peqqussutip atulersinneqarnerani atorneqartussat ikaarsaannermi aalajangersakkat § 2, imm. 3-7-mi taaneqartut piffissat procentillu tassunga naleqqussarneqartussaassapput.

Tulliuttumi kunngip peqqussutaatigut Kalaallit Nunaannut atulersinneqartussat inatsisip nr. 268, 25. marts 2014-meersup malitsigisaanik allannguutit pingaarnerit, Kalaallit Nunaanni pissutsit naapertorlugit allaanerutillugit, misissorneqarput.

Ataani allaaserisap saniatigut inatsimmut nassuiaatinut innersuussisoqarpoq.

2. [Inatsimmut nr. 268, 25. marts 2014-mut tunngatillugu] peqqussut nr. xx-imut nassuiaatit

SIFI-t suunerisa paasineqarneri

Aaqqissugaasumik aningaasatigut akiligassarsisitsisarfik pingaaruteqartoq (SIFI) tassaavoq aningaaseriviit imaluunniit illuummik qularnaveeqqusiilluni taarsigassarsisitsisarfik imaluunniit aningaasaateqarfinnut akunnermuliuttartuq, ima angitigisoq, ajornartorsiuleruni, inoqutigiinnut, suliffeqarfinnut inuiaqatigiinnilu aningaasarsiornermut nalinginnaasumut annertuumik ajortumik kingunerlutsisinnasooq. Taamaattumillu SIFI-nut atasunik immikkuullarissunik mianernartoqarsinnaammat Kalaallit Nunaanni SIFI-t suunersut paasineqarnissaat pisariaqarpoq, kiisalu aningaaserivinnut allanut naleqqiullugu aningaaserivinnut taakkununga sukanganerusunik piumasqaatinik aalajangersaasoqarluni.

Peqqussummi matumani siunertaq tassaavoq SIFI-t ajornartorsiulersinnaanerannut nalorninartut killeqartinnissaat aamma taamatut pisoqassagaluarpas inuiaqatigiinnut naalagaaffimmullu aningaasartuutit killeqartinneqarnissaat.

Allannguutissatut siunnersuutikkut aningaaseriviit, illuummik qularnaveeqqusiilluni taarsigassarsisitsisarfiit aamma aningaasaateqarfinnut akunnermuliuttartut SIFI-tut isigineqassanersut Finanstilsyni ukiumut ataasiarluni toqqaasassaaq. Toqqaanermi annertussutsikkut takussutissat uku pingasut ilaassapput: Aningaaseriviup oqimaaqatigiissitsinera tunisassiat tamarmik nalinganit procentinngorlugu, aningaaseriviup Kalaallit Nunaanni taarsigassarsisitsinera Kalaallit Nunaanni aningaaseriviit aamma illuummik qularnaveeqqusiilluni taarsigassarsisitsisarfiit taarsigassarsisitsinerisa tamarmiusut procentinngorlugu aamma aningaaseriviup Kalaallit Nunaanni aningaaserivimmiititai Kalaallit Nunaanni aningaaseriviit aningaaserivimmiititaat tamarmiusut procentinngorlugit.

Kalaallit Nunaanni aningaasanik ingerlataqarfik Danmarkimi allaanerusumik aaqqissugaavoq. Aningaaseriviit ikinnerupput, taamaallunilu assersuutigalugu Kalaallit Nunaanni aningaaserivik

mikisunnguuarluunniit akuttunngitsumik annertuunik taarsigassarsitsisinnaalluni. Aningaaseriviup mikisup Kalaallit Nunaannit taarsigassarsitsisinnaanermik piginnaasaa Danmarkimi aningaaserivimmit anginerusumit ajornanngitsumik taarserneqarsinnaavoq imaluunniit tiguneqarsinnaalluni, ataatsimullu isigalugu aningaaseriviit mikinerusut aamma ajornartorsiornerit ajornannginnerusumik isumagisinnaallugit. Tamanna tunuliaqutaralugu SIFI-t kikkuneri pillugit killiliussat kalaallit nunaanni aningaaserivinnut qaffasinnerujussuullutik. Aammattaq maluginiarneqarpoq maannakkut Kalaallit Nunaanni illuumik qularnaveeqqusiilluni taarsigassarsitsisarfinnik peqanngimmat.

Kalaallit Nunaanni SIFI-nik toqqaaneq aatsaat 2016-mi pissaaq.

Peqqussutissatut siunnersuut aamma nunarsuaq tamakkerlugu aaqqissugaasumik aningaasatigut akiligassarsitsisarfinnik pingaaruteqartunik (G-SIFI-t) toqqaanissamut Finanstilsynimut periarfissiisunik aalajangersakkanik imaqarpoq. Kalaallit Nunaanni G-SIFI-nik toqqaasoqarnissaa ilimanaateqanngilaq.

Aningaasaateqarfinnut akunnermuliuttartoq I pillugu nassuiaat

Peqqussummi manna tikillugu suleriaaseq ingerlateqqinneqarpoq, taamaalilluni taaguut ingerlatseqatigiiffik aningaasaliisartoq nunani allaneersunut ingerlatseqatigiiffinnut aningaasaliisartunut taamaallaat atorneqarluni, aamma Kalaallit Nunaanni ingerlatseqatigiiffiit aningaasaliisartut taagorneqarlutik aningaasaateqarfinnut akunnermuliuttartut. Aningaasanik ingerlataqarneq pillugu inatsimmi, kunnigip peqqussutaatigut Kalaallit Nunaannut atulersinneqartumi nutaamik nassuiaammik ikkussisoqarpoq, CRD IV-mi ingerlatseqatigiiffiit aningaasaliisartut pillugit nassuiaammut ilaasut aningaasaateqarfinnut akunnermuliuttartunik assigiinngitsunik killiliisoq.

Aningaasaateqarfinnut akunnermuliuttartut ingerlatamik ataatsimik amerlanernilluunniit ingerlataqarnissamut akuersissuteqartut: nammineq akisussaaffigisanik niuernerit, aniatitsinermut atasut tunisinermut qularnaveeqqusiinerit, aalajangersimasumik pisussaaffeqanngitsumik aningaasatigut sakkunik inissiinerit, niuernerimi atortunik arlariinnit isumaqatigiissutaasunik ingerlatsineq aamma aningaasaliisut akisussaaffigisaannik toqqorsineq ingerlatsinerlu, tassunga ilanngullugit toqqorsivinnik ingerlataqarfik, aamma aningaasaateqarfinnut akunnermuliuttartut, sullitamik pigisaannik aningaasanik imaluunniit pappiaqqanik aningaasanik nalilinnik toqqortaqartut, aamma sullitaminnut akiitsoqalersinnaasut, CRD IV-mi ingerlatseqatigiiffik aningaasaliisartoq pillugu nassuiaammut ilaatinneqarput. Peqqussumi matumani ingerlatseqatigiiffik aningaasaliisartoq taamatut ittoq aningaasanik ingerlataqarneq pillugu inatsimmi, kunnigip peqqussutaatigut Kalaallit Nunaannut atulersinneqartumi imatut nassuiarneqarpoq »aningaasaateqarfinnut akunnermuliuttartoq I«. Nassuiaat taanna CRD IV-mi aalajangersakkani, CRD IV-mi ingerlatseqatigiiffik aningaasaliisartoq pillugu nassuiaammut ilaasunut ingerlatseqatigiiffinnut taamaallaat atuuttuni aalajangersakkani atorneqarpoq.

Aningaaserivinnik aamma illuummik qularnaveeqqusiilluni taarsigassarsitsisarfimmik ingerlatsinissamut akuersissut

Aningaaserivinnik aamma illuummik qularnaveeqqusiilluni taarsigassarsitsisarfinnik ingerlatsinissamut akuersissummik pissarsinissamut piumasaqaatinut naammassineqartussanut

tungasunik ataasiakkaanik CRD IV pissutissaqartitsivoq. Torersuunissaa pissutigalugu oqaatigineqassaaq kalaallit nunaanni illuummik qularnaveeqqusiilluni taarsigassarsisitsisarfinnik maannakkut peqanngimmat.

Peqqussummi siulersuisuni tatiginartuuneq, innarligassaanninneq, attaviitsuuneq aamma suliap isumaginissaanut pisariaqartunik nukissaqarneq pillugu piumasaqaatinik nutaanik suliffeqarfimmi qinnuteqartumi siulersuisuni ilaasortat eqqortitsinissaat pillugu piumasaqaatit eqqunneqarput.

Peqqussummi aningaaserivinnik aamma illuummik qularnaveeqqusiilluni taarsigassarsisitsisarfinnik ingerlatsinissamat akuersissummik pissarsinissamik qinnuteqartumi suliffeqarfimmi piukkunnaateqartumik piginneqataassutinik piginnittunik peqanngippat suliffeqarfiup piginneqataasut anginerpaat 20-t kikkuuneri pillugit paasissutissanik tunniussinissaa pillugu piumasaqaammik nutaamik imaqqarpoq. Aammattaaq erseqqissarneqqarpoq aningaasanik ingerlataqarnissamat akuersissummik qinnuteqaat ingerlatsinissamat pilersaarummik, niuernerit eqqarsaatigineqartut suuneri pillugit paasissutissanik imaqqassasoq.

Peqatigiiffimmit/aningaasaateqarfimmit pigineqartumi illuummik qularnaveeqqusiilluni taarsigassarsisitsisarfinnik, aktiatigut ingerlatseqatigiiffittut allanngortinneqarsimasumi taasisinnaatitaanani aktiatigut aningaasaateqarnissamat periarfissaq

Illuummik qularnaveeqqusiilluni taarsigassarsisitsisarfiit aktiatigut ingerlatseqatigiiffittut allanngortinneqarsimasut assigiinngisitaartumik iluanaaruteqartitsinnaanerisa periarfissaalernissaa siunertaralugu taasisinnaatitaaffeqqanngitsunik piginneqataassuteqarsinnaanerup periarfissaanera eqqunneqassasoq siunnersuutigineqqarpoq.

Aningaaserivinnut aamma illuummik qularnaveeqqusiilluni taarsigassarsisitsisarfinnut aallarniutaasumik aningaasaateqarnissaannut piumasaqaat

Aallarniutaasumik aningaasaatit angissusaannut piumasaqaatip 8-miit 5 mio. euronut allanngortinnissaa siunnersuutigineqqarpoq, taamaalilluni CRD IV-mit takuneqarsinnaasoq piumasaqaat assigilerlugu.

Tungaviusumik aningaasaatit naatsorsorneri (aningaasaatit tungaviusut)

Aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqarsimasumi § 128-p nutaamik oqaasertalernissaa pillugu siunnersuummi pingaarnertigut qulakkeerniarneqaassaaq aalajangersakkap atorneqarfiani taamaallaat aningaasatigut ingerlataqarfiit, CRR-imi malittarisassaqqartinneqqanngitsut, aningaasatigut piginnittutut suliffeqarfiit aamma sillimmasiisarfinnik piginnittutut suliffeqarfiit ilaatinneqqassasut.

Aningaasaateqarfinnut akunnermuliuttartut pillugit taaguutit assigiinngitsut atorneqqannginnissaat siunertaralugu siunnersuutigineqqarpoq CRR-imiit aningaasaatigut taaguutit tamarmik aningaasaateqarfinnut akunnermuliuttartunut tamanut atorneqqassasut – tassa imaappoq taakku CRR-imut ilaaneri apeqqutaatinnagu. Taaguutit allat atorneqarnerinut naleqqiullugu atortutigut allannguisoqarnissaa siunertaanngilaq.

Siunnersuutigineqarpoq sillimmasiisarfinnut aamma sillimmasiisarfinnik piginnittut suliffeqarfinnut tunngaviusumik aningaasaatit naatsorsorneqarneri pillugit maleruagassanik erseqqinnerusunik aalajangersaanissamut Finanstilsyni piginnaatinneqassasoq. Aammattaaq siunnersuutigineqarpoq Danmarkimi aamma Kalaallit Nunaanni suliffeqarfimmut piginnittumut qullersamut pisullu ilaanni suliffissuarmi aningaasaatinut tunngaviusut naatsorsorneri pillugit maleruagassanik erseqqinnerusunik aalajangersaanissamut Finanstilsyni piginnaatinneqassasoq.

Aammattaaq siunnersuutigineqarpoq aningaasanik ingerlataqarfinnut aamma aningaasatigut piginnittut suliffeqarfinnut, CRR-imi malittarisassaqtartinneqartunut aningaasaatinut tunngaviusut naatsorsorneri pillugit maleruagassanik Finanstilsyni atugassaqtartitsisinnaasoq, maleruagassat taamatut ittut CRR-imi immikkoortoq 49-mi tamanna pillugu periarfissat eqqarsaatigalugit aalajangersarneqarsinnaappata.

Ataasiakkaat akissaqassutsimut pisariaqartitaannik naatsorsuineq (ICAAP)

Siunnersuummi ICAAP-imi (Internal Capital Adequacy Assessment Process) naatsorsuinermit il.il. pullaviusooq atuuttoq ingerlateqqinneqarlunilu katersorneqarput, tassani CRR-imi immikkoortoq 10-mi allattoreqarsimasut piumasaqaatit iluanni ICAAP-imek ingerlataqarnissamut piumasaqaatit Finanstilsynimit tulluarsarneqarlutik. Finanstilsynip ICAAP-imut piumasaqaateqarsinnaanera assersuutigalugu suliffissuarmut atassuteqarnermut tunuaniittunillu niuernerup ilusaanut naleqqussarsimassaaq.

Aalajangersagaq naapertorlugu illuummik qularnaveeqqusiilluni taarsigassarsisitsisarfiit CRR-imi immikkoortoq 10 malillugu piumasaqaatinik naammassinnittut ICAAP-imut suliffeqarfimmilu allagaatinut pullaveqarnissaaq atunngitsoorsinnaavaat.

CRD IV immikkoortoq 108, imm. 1, nr. 2, CRR-imi immikkoortoq 10 naapertorlugu, manna tikillugu suleriaatsimiit allaaneruvoq, tassa aalajangersimasumik ataasiakkaanillu nalilersuineq kisiat tunngaviginagu ICAAP-imi sulinerup annertussusissaanut uppersaanissamullu il.il. piumasaqaatigut annikilliliisoqaannarani, kisianni peqqussummi immikkoortoq 10 malillugu piumasaqaatit qulaani taaneqartut iluanni isumannaallisakkamik taamaallaat naatsorsuisoqarnissanut periarfissiisoqarmat.

Aningaaserivinnut aamma illuummik qularnaveeqqusiilluni taarsigassarsisitsisarfinnut akissaqassuseq

Peqqussutikkut siunnersuutigineqarpoq minnerpaamik akissaqassutsimut piumasaqaat, minnerpaamik aningaasaatinut piumasaqaat kiisalu taakkununga ilaatitsinnginnerit aningaasanik ingerlataqarneq pillugu inatsimmiit, kunngip peqqussutaatigut Kalaallit Nunaannut atulersinneqarsimasumit peerneqassasut, tassa piumasaqaatit siunissami CRR-imi malittarisassaqtartinneqassammata.

Peqatigisaanik peqqussutip atulersinneratigut naatsorsuutigineqarpoq CRR inatsisikkut Kalaallit Nunaannut atulersinneqassasoq, aamma aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqarsimasumi aamma CRR-imi, taaguusersuinerit assigiissarnerinut atasumik »tunngaviusumik aningaasaatit« imatut allanngortinneqassaaq

»anigaasaatinut tunngaviit« aamma »akiligassat nalorninartullit« imatut allanngortinneqarluni »peqataanermi pisussaaffiit nalorninartut tamarmiusut«. Anigaasaatinut tunngavinnut piomasagaatit annertunerulernissaannut periarfissaqarneq CRD IV-mi ingerlateqqinneqarpoq taannalu periarfissaq aamma akissaqassuseq pillugu maleruagassani ingerlateqqinneqarluni, taanna anigaasanik ingerlataqarneq pillugu inatsimmi, kunnigip peqqussutaatigut Kalaallit Nunaannut atulersinneqarsimasuni allanngortinneqarnani.

Anigaasaateqarfinnut akunnermuliuttartunut anigaasaatitigut piomasagaatit

Maleruagassat atuuttut naapertorlugit anigaasaateqarfinnut akunnermuliuttartut tamarnik peqataanermi pisussaaffiit tamarmiusut 8 pct.-iinnut naapertuuttumik ikinnerpaanik tunngaviummik anigaasaateqarnissaq pillugu piomasagaammut ilaapput. Anigaasaateqarfinnut akunnermuliuttartut amerlanersaat siunissami CRR-imi aalajangersakkanut taamaaqataannut ilaalissammata siunnersuutigineqarpoq piomasagaat taanna atorunnaarsinneqassasoq. Anigaasaateqarfinnut akunnermuliuttartunut, CRR-imut ilaangitsunut annikitsumik tamanna oqilisaassinerusaaq.

Aamma siunnersuutigineqarpoq anigaasanik ingerlataqarneq pillugu inatsimmi, kunnigip peqqussutaatigut Kalaallit Nunaannut atulersinneqarsimasumi § 125, imm. 5 atuuttoq, tunngaviummik anigaasaatit ukiup siuliani anigaasartuutit ikinnerpaamik sisamararterutaanissaat pillugu anigaasaatinut piomasagaammik imaqartoq, taamaallaat anigaasaateqarfinnut akunnermuliuttartunut, CRR-imi piomasagaatinut taamaaqataannut toqqaannartumik ilaangitsunut taamaallaat atuutilissasoq. Taamaaliorqarpoq piomasagaatip anigaasaateqarfinnut akunnermuliuttartunut tamanut aalajangiussimanegarnissaa naleqquttut nalilerneqarmat taamaalillunilu inatsisitigut inissisimaffiusoq atuuttoq allanngortinneqarnani, tassa piomasagaat anigaasaateqarfinnut akunnermuliuttartut naammattunik anigaasaateqarnissaannut iluaqutaammat, tassunga ilanngullugu tamanna pisariaqassappat suliffeqarfiit atorunnaarsinneqarlutik.

Peqqussutikkut aamma siunnersuutigineqarpoq anigaasanik ingerlataqarneq pillugu inatsimmi, kunnigip peqqussutaatigut Kalaallit Nunaannut atulersinneqarsimasumi § 125, imm. 7-mi atuuttumi ataasiakkaat akissaqassutsikkut pisariaqartitaannik naatsorsuineq pillugu aalajangersagaq allanngortinneqassasoq. Taamaalilluni siunnersuutigineqarpoq anigaasaateqarfinnut akunnermuliuttartuni, CRR-imut ilaasuni, ataasiakkaat akissaqassutsikkut pisariaqartitat anigaasaatinut tunngavinnut peqataanermi pisussaaffiit qularnartut tamarmiusut 8 pct.-iinit, minnerpaamik anigaasaatinut piomasagaatinit 1 mio. euro imaluunniit 0,3 mio. euronit imaluunniit ukiup siuliani anigaasartuutit aalajangersimasut minnerpaamik sisamararterutaanissaat pillugit piomasagaammit annikinnerussanngitsut.

Aammattaaq siunnersuutigineqarpoq anigaasaateqarfinnut akunnermuliuttartuni, CRR-imut ilaangitsuni, ataasiakkaat akissaqassutsikkut pisariaqartitsinerat minnerpaamik anigaasaatitigut piomasagaatinit 0,3 mio. euronit ikinnerussanngitsut imaluunniit ukiup siuliani anigaasartuutit aalajangersimasut minnerpaamik sisamararterutaanissaat pillugit piomasagaammit annikinnerussanngitsut. Tassunga ilaapput anigaasaateqarfinnut akunnermuliuttartut, anigaasaliisup akisussaaffigisaanik piomasanik tigusinissamut ingerlatitseqqinnissamullu taamaallaat akuersissuteqartut imaluunniit anigaasaliisartunut siunnersuineramik ingerlataqartunut,

aamma aningaasanik imaluunniit pappiaqqanik aningaasanik nalilinnik sullitamik pigisaannik toqortaqanngitsut, aamma piffissami sumiluunniit sullitaminnut akiitsoqanngitsut.

Aammattaaq siunnersuutigineqarpoq Finanstilsyni – ataasiakkaat akissaqassutsikkut piumasaqaatip saniatigut – aningaasaateqarfinnut akunnermuliuttartunut assingusunik nalorninartuuteqartunut aningaasaatigut piumasaqaatinik qaffasinnerusunik aalajangersaasinnaassasoq.

Pigisanut nalilinnut immikkoortitanut aningaasaatinut matussutit

Peqqussutikkut siunnersuutigineqarpoq aningaasanik ingerlataqarneq pillugu inatsimmut, kunngip peqqussutaatigut Kalaallit Nunaannut atulersinneqartumi aningaasaatinut matussutissat pillugit nalunaarummiit pigisanut nalilinnut immikkoortitanut aningaasaatinut matussutissat pillugit maleruagassanik ikkussisoqassasoq, niuernermi uninngasuutini avataanilu sumiissutsinut aningaasaatigut matussutissat pillugit CRR-ip tunngavii isiginiarlugit, CRR-imi aallaqqaasiummi isiginninneq 13 naapertorlugu.

Aningaasaatinut tunngavinnik naatsorsuinermi aningaasanut immikkoortitanut ilanngaatinut ilaatitsinnginneq

§ 128 b, oqaaseqatigiinni siullerni aalajangersakkami siunnersuutigineqartumi allanneqarpoq aningaasanit immikkoortinneqartunit pissarsiarineqartut aningaasaatit ilai, sullitanut annaasaqaataasussaannngitsuni, aningaasaatit ilai pillugit ilanngaatit pillugit CRR-imi maleruagassat malillugit aningaasaatinut tunngaviit naatsorsornerini ilanngaatigineqassasut.

Aningaasaateqarfinnut akunnermuliuttartut aamma aningaasaliisartunut aqutsiviit aningaasanik inissiinerat

Peqqussutikkut siunnersuutigineqarpoq aningaasaateqarfinnut akunnermuliuttartut, nammineq akisussaaffigalugu niuernermit ingerlatsinissamut akuersissuteqanngitsut, ilanngussaq 4, immikkoortoq A, nr. 3 naapertorlugu, ingerlatseqatigiiffiup aningaasaatai aningaasanik ingerlataqarneq pillugu inatsimmut, kunngip peqqussutaatigut Kalaallit Nunaannut atulersinneqartumut ilanngussaq 5-mi taaneqartut aningaasaatigut sakkuni tamani inissinneqarsinnaasut, taakku niuernermi uninngasuutit avataaniinnissaannut piumasaqaatinik naammassinnippata.

Aningaasaatinut pakkersimaarinnissutit

Aningaasaatinut pakkersimaarinnissutit pillugit siunnersuutikkut siunnersuutigineqarpoq aningaaseriviit, illuummik qularnaveeqqusiilluni taarsigassarsisitsisarfiit aamma aningaasaateqarfinnut akunnermuliuttartut ilaat ataasiakkaarlutik aamma isumannaallisakkamik tunngaveqarlutik aningaasaatinut pakkersimaarinnissummut piumasaqaatinut ilasinermik naammassinnissasut.

Siunnersuutigineqarpoq aningaasaatinut pakkersimaarinnissummut piumasaqaatinut ilasinernut tassaassasut aningaasaatinik innarliinngissamut pakkersimaarinnissutit, suliffeqarfinnut immikkut sammisut uteqattaanngitsumik aningaasaatinut pakkersimaarinnissut, G-SIFI-mi

pakkersimaarinnissut aamma aaqqissugaasumik pakkersimaarinnissut. Aammattaaq siunnersuutigineqarpoq aningaasaatinut pakkersimaarinnissummut piunasaqaatinut ilasinernut pingaarnertut aningaasaativinnik naammassinnissasut. Aningaasaatinut pakkersimaarinnissummut piunasaqaatinut ilasinernut aningaasaatinut tunngavinnut aningaasaatit minnerpaaffissaannik piunasaqaatit aamma ataasiakkaat akissaqassutsikkut pisariaqartitaasa qaavanut ilanngunneqassasut, tassunga ilanngullugu ataasiakkaat akissaqassutsikkut pisariaqartitaat ataasiakkaat akissaqassutsikkut piunasaqaataat aalajangersarneqarsimanngippat.

Aningaasaatinut pakkersimaarinnissummut piunasaqaatinut ilasinernut aningaasaatinut pakkersimaarinnissutit tamakkiisumik atulersinneqarsimalerpata suliffeqarfinnut eqqorneqartunut tamanut peqataanermi pisussaaffiit qularnartut tamarmiusut ikinnerpaamik 2,5 pct.-inik annertussuseqassapput. Tunngaviusumik siunnersuutigineqarpoq aningaasaatinut pakkersimaarinnissummut piunasaqaatinut ilasinernut qummut killiliisoqassanngitsaq. Peqqussummi aningaasaatinut pakkersimaarinnissummut ilasinernut piunasaqaatit ulloq 1. januar 2016-mi atulissapput.

Kunngip peqqussutissaanut siunnersuutip malitsigisaanik, aningaasaatinik innarliinnginnissamut pakkersimaarinnissut 2019-mi tamakkiisumik atulersinneqarsimalerpat, inatsisikkut Kalaallit Nunaannut atulersinneqarsimasoq CRR naapertorlugu naatsorsorneqartut peqataanermi pisussaaffiit qularnartut tamarmiusut ikinnerpaamik 2,5 pct.-iinik pingaarnertut aningaasaativiit pillugit aningaasaatinik innarliinnginnissamut pakkersimaarinnissut suliffeqarfinnut atatiinneqassasoq.

Siunnersuutigineqarpoq aningaasaatinik innarliinnginnissamut pakkersimaarinnissut annertoqatigiiaartumik agguarlugu 2019 tikillugu atulersikkiartuaartinneqassasoq, CRD IV naapertorlugu. Piffissami 1. januar 2016-miit 31. december 2016-mut aningaasaatinik innarliinnginnissamut pakkersimaarinnissut 0,625 pct.-inik annertussuseqassasoq aalajangerneqarpoq. Piffissami 1. januar 2017-miit 31. december 2017-mut aningaasaatinik innarliinnginnissamut pakkersimaarinnissut 1,25 pct.-inik annertussuseqassasoq aalajangerneqarpoq. Piffissami 1. januar 2018-miit 31. december 2018-mut aningaasaatinik innarliinnginnissamut pakkersimaarinnissut 1,875 pct.-inik annertussuseqassasoq aalajangerneqarpoq aamma 1. januar 2019-miit aningaasaatinik innarliinnginnissamut pakkersimaarinnissut 2,5 pct.-inik annertussuseqassasoq aalajangerneqarpoq.

Inatsisissatut siunnersuutikkut suliffeqarfimmut immikkut sammisoq uteqattaanngitsumik aningaasaatinut pakkersimaarinnissut 1. januar 2016-mi atulersinneqassaaq. 1. januar 2016-mi suliffeqarfimmut immikkut sammisup uteqattaanngitsumik aningaasaatinut pakkersimaarinnissutit atulersinneratigut, akiligassarsisitsinerit aamma akit aningaasarsiornikkullu pissutsit imatut ineriartorpata taassuma atulersinnissaa pisariaqalerluni pakkersimaarinnissut atornerqarsinnaalissaaq. Suliffeqarfimmut immikkut sammisup uteqattaanngitsumik aningaasaatinut pakkersimaarinnissulli annertusiartuaartumik atulersinneqassaaq, ataani allassimasoq takujuk. Aammattaaq malugeqquneqarpoq Danmarkimi inuussutissarsiornermut siuariartormullu ministeri Kalaallit Nunaannut immikkut uteqattaanngitsumik aningaasaatinut pakkersimaarinnissumik aalajangersaasinnaamat, ataani allassimasut takukkit.

Inatsisissatut siunnersuutikkut Danmarkimi inuussutissarsiornermut siuariartormullu ministeri uteqattaanngitsumik aningaasaatinut pakkersimaarinnissumik aalajangersaanissamut

atornissaanullu naleqqiullugu akisussaalluni oqartussatut toqqarneqarpoq. Danmarkimi inuussutissarsiornermut siuariatornermullu ministeri Det Systemiske Risikorådimiit innersuussuteqarneq tunuliaqutaralugu akigititanik aalajangersaassaaq, aningaasanik ingerlataqarneq pillugu inatsimmi § 343 s naapertorlugu, [inatsit nr. 1287, 19. december 2012-meersumut tunngatillugu] kunngip peqqussutaatigut Kalaallit Nunaannut atulersinneqartussatut eqqarsaatigineqartoq naapertorlugu, peqqussutip atulersinnissaa peqatigalugu.

Kalaallit Nunaanni akit aningaasarsiornikkullu pissutsit tamatigut Danmarkimisut inneq ajorput. Aamma taamaappoq akiligassarsisitsinerit. Danmarkimi inuussutissarsiornermut siuariatornermullu ministeri taamaattumik Kalaallit Nunaannut immikkut uteqattaanngitsumik aningaasaatinut pakkersimaarinnissummik aalajangersaasinnaavoq, aalajangersaanermi Kalaallit Nunaanni sumiiffinni pissutsit sillimaffigineqarlutik. Pakkersimaarinnissutini akigititat Kalaallit Nunaanni atulersinnissaat sioqullugu Kalaallit Nunaanni Namminersorlutik Oqartussat tusarniarneqassapput.

Kalaallit Nunaanni akiligassarsinikkut peqataanermi pisussaaffinnut naleqqiullugu aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi, § 125 f, imm. 1-mut siunnersuummut naapertuuttumik pakkersimaarinnissummi akigititaq Danmarkimi inuussutissarsiornermut siuariatornermullu ministerimit aalajangersarneqassaaq. Pakkersimaarinnissummi akigititaq taamaalilluni piffissami atulersitsiffimmi norlumut aalajangerneqassaaq. Siunnersuutigineqarpoq ikaarsaanermi aaqqissuussisoqassasoq annertusiartortumik atulersitsisoqariartorluni, taanna malillugu pakkersimaarinnissummi akigititaq 2016-mi 1 pct. tikillugu, 2017-mi 1,5 pct. tikillugu, 2018-mi 2 pct. tikillugu aamma 2019-mi 2,5 pct. tikillugu aalajangersarneqarsinnaalluni.

Kalaallit Nunaata avataani akiligassarsinikkut peqataanermi pisussaaffinnut naleqqiullugu aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi, § 125 f, imm. 2-9-mut siunnersuummut naapertuuttumik pakkersimaarinnissummi akigititat atorneqassapput. Tamanna isumaqarpoq nunani allani pakkersimaarinnissummik akigititaqarsinnaasut nunani pineqartuni ullormi 1. januar 2016-mi akiligassarsinikkut peqataanermi pisussaaffinnut atorneqartunik peqartoqarsinnaasoq.

Kunngip peqqussutissaattut siunnersuutikkut aaqqissugaasumik pakkersimaarinnissut aamma eqqunneqarpoq. Aaqqissugaasumik pakkersimaarinnissutip aningaasaqarnikkut aaqqissuussanut aningaasanullu pisissutaasinnaasunut annertuumik ajortumik kinguneqartitsisinnaasunut aningaasaqarnikkut aaqqissuussinermik akornusiinernut pakkersimaarinnissaaq. Aaqqissugaasumik pakkersimaarinnissut siunnersuutigineqarpoq aaqqissugaasumik pakkersimaarinnissutip atorneqarfiani peqataanermi pisussaaffiit tunngavigalugit suliffeqarfiup peqataanermi pisussaaffiini qularnartuinut tamarmiusutut annertussuseqassasut, aaqqissugaasumik pakkersimaarinnissummi akigititamik amerlisillugit.

Peqqussutissatut siunnersuutikkut aaqqissugaasumik pakkersimaarinnissummi akigititap aalajangersarneranut atorneqarneranullu naleqqiullugu Danmarkimi inuussutissarsiornermut siuariatornermullu ministeri oqatussatut akisussaasutut toqqarneqarpoq. Aaqqissugaasumik pakkersimaarinnissummi akigititaq, taanna atulersinneqarpat, 1 pct.-imit annikinnerussanngilaq aamma 0,5 procentpointikkaarlugit annertusiartortumik imaluunniit sukkassuseqartumik naleqqussarneqartumik aalajangerneqassalluni. Suliffeqarfinnut ilaasunut assigiinngisitaartunut

akigititanik assigiinngitsunik Danmarkimi inuussutissarsiornermut siuariartornermullu ministeri aalajangersaasinnaavoq.

Siunnersuutigineqarpoq aaqqissugaasumik pakkersimaarinnissut SIFI-mi pakkersimaarinnissummut piomasagaatit aalajangersarnissaannut oqartussanit akisussaasunit annerusumik atorneqassasut, taakku kalaallit nunaanni aaqqissugaasumik aningaasatigut akiligassarsisitsisarfinnut pingaaruteqartunut (SIFI) atulersinneqarlutik. Aamma siuniussami aaqqissugaasumik uteqattaanngitsunik imaluunniit aningaasatigut naleqqussaannermi nalorninartut pitsaaliorniarlugit killeqartinniarlugillu, CRD IV-mut naapertuuttumik, ingerlataqarfimmut tamarmiusumut aaqqissugaasumik pakkersimaarinnissutip aalajangersarnissaanut periarfissaq eqqunneqarpoq.

SIFI-t pillugit peqqussut naapertorlugu, Kalaallit Nunaanni aaqqissugaasumik aningaasatigut akiligassarsisitsisarfinnut pingaaruteqartunut (SIFI) atuuttussanik aaqqissugaassusermut immikkoortiterinerit naapertorlugit SIFI-mi pakkersimaarinnissummut piomasagaatinik aalajangersaasoqassaaq. Danmarkimi inuussutissarsiornermut siuariartornermullu ministeri immikkoortiterinerimut appasinnerpaamut SIFI-mi pakkersimaarinnissummi akigititaq 1,0 pct.-imik, appasinnerpaap tullianut 1,5 pct.-imut, akunnattumik 2,0 pct.-imut qaffasinnerpaallu tullianut 2,5 pct.-imut qaffasinnerpaamullu 3,0 pct.-imut aalajangiissaaq. Aningaaseriviit, kingusinnerpaamik 30. juni 2016-mi SIFI-tut toqqarneqartunut 1. august 2016-meersoq SIFI-mi pakkersimaarinnissummut piomasagaat naammassissavaat. Aningaaseriviit, 30. juni 2016-p kingorna SIFI-tut toqqarneqartut, ukiup tulliata kingusinnerpaamik naanerani SIFI-mut pakkersimaarinnissummut piomasagaat naammassissavaat. Siunertaq tassaavoq SIFI-mut pakkersimaarinnissummut piomasagaat piffissami 2016-2019-mi atulersinneqassasoq, ataaniittoq naapertorlugu Aammattaaq siunertaavoq SIFI-t aaqqissugaassutsimikkut allanngortinneqarnerminni ukiup pineqartup naanerani SIFI-mut pakkersimaarinnissummut piomasagaatimut allanngortinneqatunut eqqortitsissasut, aningaasanik ingerlataqarneq pillugu inatsimmi, kunnqip peqqussutaatigut Kalaallit Nunaannut atulersinneqartumi, § 309, imm. 3-mut siunnersuut naapertorlugu.

Kalaallit Nunaanni SIFI-t pillugit SIFI-mut pakkersimaarinnissummut piomasagaatit atulersinnerini danmarkimi SIFI-t pillugit SIFI-mut pakkersimaarinnissummut piomasagaatit atulersinnerinut piffissaliussat 2016-2019 malissavaat, taamaalilluni immikkoortiterinerimut appasinnerpaamut aaqqissugaasumik SIFI-mi pakkersimaarinnissut 2016-mi 0,4 pct.-iulluni, 2017-mi 0,6 pct.-iulluni, 2018-mi 0,8 pct.-iulluni aamma 2019-mi 1,0 pct.-iulluni. Immikkoortiterinerimut appasinnerpaap tullianut aaqqissugaasumik SIFI-mi pakkersimaarinnissut 2016-mi 0,6 pct.-iuvoq, 2017-mi 0,9 pct.-iuvoq, 2018-mi 1,2 pct.-iuvoq aamma 2019-mi 1,5 pct.-iulluni. Immikkoortiterinerit akornanniittumut aaqqissugaasumik SIFI-mi pakkersimaarinnissut 2016-mi 0,8 pct.-iuvoq, 2017-mi 1,2 pct.-iuvoq, 2018-mi 1,6 pct.-iuvoq aamma 2019-mi 2,0 pct.-iulluni. Immikkoortiterinerimut qaffasinnerpaap tullianut aaqqissugaasumik SIFI-mi pakkersimaarinnissut 2016-mi 1,0 pct.-iuvoq, 2017-mi 1,5 pct.-iuvoq, 2018-mi 2,0 pct.-iuvoq aamma 2019-mi 2,5 pct.-iulluni. Immikkoortiterinerimut qaffasinnerpaamut aaqqissugaasumik SIFI-mi pakkersimaarinnissut 2016-mi 1,2 pct.-iuvoq, 2017-mi 1,8 pct.-iuvoq, 2018-mi 2,4 pct.-iuvoq aamma 2019-mi 3,0 pct.-iulluni.

Aamma siunertaavoq aaqqissugaasumik aningaasatigut akiligassarsisitsisarfiit pingaaruteqartut (SIFI) kikkuunerinik paasisaqarnermi suliffissuup tamarmiusumik aaqqissugaanerisa pingaaruteqarnerat aamma pissutsit suliffissuarmi suliffeqarfiit imminnut atalluinnarnerat suliffissuartigut sillimaffigineqarnissaat taamaalillunilu suliffissuup ilaani aningaasaqarnikkut

ajornartorsiortoqalissappat suliffissuup iluani siaruaassinnaalluni. Aningaasanik ingerlataqarneq pillugu inatsimmi, kunnigip peqqussutaatigut Kalaallit Nunaannut atulersinneqartumi, § 309, imm. 2-mut siunnersuummi taamaattumik siunnersuutigineqarpoq aningaaserivik, illuummik qularnaveeqqusiilluni taarsigassarsisitsisarfik aamma aningaasaateqarfinnut akunnermuliuttartuq I, aningaasaateqarfinnut akunnermuliuttartuq ilanngussaq 4, immikkoortoq A, nr. 3 aamma 6-mi taaneqartunut ingerlatanut ingerlatsinissamut akuersissuteqartoq, aqqqissugaasumik aningaasatigut akiligassarsisitsisarfittut pingaaruteqartut (SIFI) isumannaallisarneqartut imaluunniit ilaannakuusumik isumannaallisarneqartut toqqarneqarsimappat SIFI-mi pakkersimaarinnissutitut piumasaqaatit atuutissapput, suliffissuarnut isumannaallisarneqartut qaffasissuseqartumik procentitigut piumasaqaatit assigalugit aamma suliffissuarnut ilaasut aningaaserivimmu, illuummik qularnaveeqqusiilluni taarsigassarsisitsisarfimmu ataatsimut qaffasissuseq assigalugu.

Suliffeqarfiit aningaasaatinut pakkersimaarinnissummut ilasinernut piumasaqaatit inulerpatigut kunnigip peqqussutissaatut siunnersuutikkut siunnersuutigineqarpoq iluanaaruteqartitsinissamut suliffeqarfiup periarfissaanik arlalitsigut killilersuinerit atuutilissapput assersuutigalugu suliffeqarfiup piginnittuunut iluanaarutininik aamma sulisunut bonusinik tunniussinissamut killiliinerit kiisalu pingaarnertut aningaasaatinut akuleriinnut sakkunut atatillugu akiliinissamut periarfissani.

Iluanaaruteqartitsinissamut periarfissani killiliinerit aningaasaatit mangiarnissaannut pinngitsoortitsinermut iluaqutaassapput, suliffeqarfik aningaasaatinut pakkersimaarinnissummut ilasinernut piumasaqaatit ataaniitsillugu.

Suliffeqarfiit aningaasaatinut pakkersimaarinnissummut ilasinernut piumasaqaatit ataaniilerpata suliffeqarfiit aningaasaatinik innarliinnnginnissamut pilersaarusiussapput taannalu Finanstilsynimut nassiullugu. Tamatuma kingorna Finanstilsyni pilersaarummik akuersissaaq piffissap erseqqinnerusumik aalajangerneqarsimasup iluani aningaasaatit pilerseqqinnissaannut pilersaarut naammappat. Finanstilsyni pilersaarummik akuersinngippat suliffeqarfiit annertunerusunik piumasaqaateqarfigineqassapput, tassunga ilanngullugu aningaasaatinut tunngaviit annertusinissaat pillugu piumasaqaat.

Aammattaaq siunnersuutigineqarpoq piumasaqaatigineqassasoq suliffeqarfiit pakkersimaarinnissutinik naammassinnittut imatut annertutigisumik iluanaaruteqartitsissanngitsut pingaarnertut aningaasaativiit ima appasitsisigisunngorlugit ikilisinneqarlutik pakkersimaarinnissummut piumasaqaatit naammassineqarunnaarlutik.

Peqataanermi pisussaaffinnik qularnartunik imaluunniit aningaasaatinut tunngavinnut piumasaqaatinik naatsorsuinerimut suliffiup iluani periutsinik atuinissamut akuersissutinik nakkutilliineq, tassunga ilanngullugu akuersissutinik taamatut ittunik arsaarinninneq

Siunnersuummi aalajangersarneqarpoq peqataanermi pisussaaffinnik qularnartunik imaluunniit aningaasaatinut tunngavinnut piumasaqaatinik naatsorsuinerimut suliffiup iluani periutsinik atuinissamut piumasaqaatinik aningaaseriviup, illuummik qularnaveeqqusiilluni taarsigassarsisitsisarfiup imaluunniit aningaasaateqarfinnut akunnermuliuttartup I-p naammassinninneranik Finanstilsyni nakkutilliissasoq.

Tamatuma saniatigut siunnersuummi peqataanermi pisussaaffinnik qularnartunik imaluunniit aningaasaatinut tunngavinnut piumasaqaatinik naatsorsuinnermut suliffiup iluani periutsinik atuinissamut piumasaqaatinik naammassinnittoqartinnagu nakkutilliinermi qisuariaatissanik malittarisassaliortoqarpoq, tassunga akuersissutinik taamatut ittunik arsaarinnineq.

Kunngip peqqussutissaatut siunnersuut assersuussinissaq pillugu maleruagassanik erseqqinnerusunik aalajangersaanissamut Finanstilsynimut periarfissiivoq.

Siunnersuutip kingunerisaanik suliffeqarfiit peqataanermi pisussaaffinnik qularnartunik aamma aningaasaatinut tunngavinnut piumasaqaatinik naatsorsuinnermut suliffiup iluani periutsinik atuisut, sulinermi qularnartut ilanngunnagit, assersuussinissamik taaneqartumut taakku ukiumoortumik naatsorsorneqartassasut. Siunertamut Den Europæiske Banktilsynsmyndighed (EBA) assersuussinissamut atortussamik aalajangersaasarpoq. EBA-p ukiumoortumik assersuussinera tunuliaqutaralugu Finanstilsyni, EBAp assersuussinineraniit annertuumik allaanerussuteqartut suliffeqarfiit suunersut paasineqarnissaat siunertaralugu suliffeqarfiup iluani periutsinik ukiumoortumik nalilersuisassaaq. Annertuumik allaanerussuteqartumik suliffeqarfeqarpat allaanerussutaasumut pissutaasut nunami nakkutilliinermi oqartussat misissuissapput, paasineqarpallu suliffeqarfiup periusaa qularnartunik annikinaarititsinermik kinguneqartartoq nunami nakkutilliinermi oqartussat suliffeqarfimmu pisariaqartutigit akuliutissapput. Ukiumoortumik assersuussininerilli suliffeqarfiit periusaannik assigiissaarinissamik kinguneqartitsissanngilaq.

EBA aamma assersuussilluni ingerlataqarnerit tunuliaqutaralugit suliffeqarfiit iluanni periutsinik nalilersuinnerminni nunami nakkutilliinermi oqartussanut tapersersuinissaq siunertaralugu nalunaarusiussaaq.

Assersuussilluni ingerlatanit sulinermi qularnartut ilaatinneqanngillat.

Aningaasartuutit qularnartut (peqataanermi suliffeqarfiup pisussaaffii qularnartut tamarmiusut)

Peqqussutissatut siunnersuut aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi § 125 a-mi suliffiup iluani atorineqartunik periutsinik aningaaserivinnut ikaarsaarnermi aaqquissuussinermik atorunnaarsitsinermik imaqarpoq, tassa ikaarsaarnermi aaqquissuussinerup taamaaqataa CRR, inatsisikkut Kalaallit Nunaannut atulersinneqartussatut siunnersuutigineqartoq malissammagu. Kalaallit Nunaanni suliffeqarfimmik piginnittumut qullersamut suliffissuarmullu taamatut toqqavissaq pillugu maleruagassanik aalajangersaanissaq siunertaralugu Finanstilsynimut tunngaviup ikkunneqarnissaa siunnersuutigineqarpoq, taakku § 170, imm. 1, 2, 4 aamma 5-mut ilaappata, taamaattumillu CRR-imut ilaanatik. Taamaalilluni Kalaallit Nunaanni suliffeqarfimmik piginnittoq qullersaq suliffissuarlu, taakku § 170, imm. 1, 2, 4 aamma 5-mut ilaappata, peqataanermi pisussaaffiit tamarmiusut ikinnerpaamik 6,4 pct.-iusunik aningaasaatinut suli tunngaveqassallutik. Tunngavik sapinngisamik CRR-imi tamanna pillugu maleruagassanut aningaasaatinut matussutissat pillugit Kalaallit Nunaanni nalunaarummi innersuussinikkut piviusunngortinneqassaaq, aamma Kalaallit Nunaanni suliffeqarfimmik piginnittumut qullersamut suliffissuarmullu maleruagassat qulakkeerneqarlutik, taakku § 170, imm. 1, 2, 4 aamma 5-mut ilaappata, immikkoortumi manna tikillugu ingerlaannarluni.

Siunnersuutigineqarpoq aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi § 142, imm. 1 atorunnaarsinneqassasoq, tassa peqataanermi pisussaaffiit tamarmiusut katitigaaneri CRR-imi, inatsisikkut Kalaallit Nunaanni atulersinneqartussatut siunnersuutigineqartumi, immikkoortoq 92, imm. 3-mi aalajangersakkanit siunissami takuneqarsinnaalerluni.

Taarsiullugu § 142, imm. 1 nutaaq ikkunneqarpoq, Kalaallit Nunaanni suliffeqarfimmik piginnittumut qullersamut suliffissuarmullu, taakku § 170, imm. 1, 2, 4 aamma 5-mut ilaanngippata, taamaattumillu CRR-imi maleruagassanut ilaanatik, peqataanermi pisussaaffiit tamarmiusut pillugit maleruagassanik aalajangersaanissamut Finanstilsyni tunngavissinneqarluni. Taamaalilluni aalajangersakkat aningaaserivinnut aamma illuummik qularnaveeqqusiilluni taarsigassarsitsisarfinnut aamma aningaasaateqarfinnut akunnermuliuttartut amerlanersaannut atuutinngillat, taakku siunissami CRR-imi ilaalissammata, inatsisikkut Kalaallit Nunaannut atulersinneqartussatut siunnersuutigineqartumi. Aalajangersakkat aamma aningaasaateqarfinnut akunnermuliuttartunut, taamaallaat naalakkiutinik tigusinissamut ingerlatitseqqinnissamut kiisalu aningaasalersuinermi siunnersuinissamut akuersissuteqartunut, aamma sullitamik pigisaannik aningaasanik imaluunniit pappiaqqanik aningaasanik nalilinnik toqqortaqqanngitsut, aamma aningaasaliisartunut aqutsivinnut atuutinngillat, tassa ingerlatseqatigiiffinnut taakkununga akissaqassutsip procentianik naatsorsuinermi allannguisoqarmat.

Siunnersuutigineqarpoq § 143, imm. 1, nr. 1 allanngortinneqassasoq, taamaalilluni aningaasartuutitut qularnartunut maleruagassanik aalajangersaanissamut Finanstilsynip tunngavissinnera sillimmasiisarfiit pillugit maleruagassanik atulersitsinissamut killeqartinneqarluni.

Siunnersuutigineqarpoq § 143, imm. 1, nr. 3 allanngortinneqassasoq, taamaalilluni aningaasanik ingerlataqarfinnut tamanut akissaqassutsikkut pisariaqartitsineq pillugu nalunaaruteqarnermi maleruagassanik aalajangersaanissamut, sillimmasiisarfiit eqqarsaatigalugit aningaasartuutit qularnartut, aningaasaatinut piumasaqaatit aamma tunngaviusumik aningaasaatit nalunaarutigineqartarneri pillugit maleruagassanik aalajangersaanissamut, aamma Kalaallit Nunaanni suliffeqarfinnut piginnittumut qullersamut aamma suliffissuarmut, taakku § 170 ilaappata, taamaattumillu CRR-imi maleruagassanut, kunngip peqqussutaatigut Kalaallit Nunaannut atulersinneqartussatut siunnersuutigineqartumi, peqataanermi pisussaaffiit qularnartut, aningaasaatinut tunngavinnut piumasaqaatit aamma aningaasaatinut tunngaviit nalunaarutigineqartarneri pillugit maleruagassanik aalajangersaanissamut Finanstilsyni tunngavissinneqarpoq. Aammattaaq siunnersuutigineqarpoq aningaasaateqarfinnut akunnermuliuttartunut suliakkiutinik tigusinissamut ingerlatseqqinnissamullu kiisalu aningaasaliinissamut siunnersuinermut taamaallaat akuersissuteqartunut, aamma sullitamik pigisaannik aningaasanik imaluunniit pappiaqqanik aningaasanik nalilinnik toqqortaqqanngitsunut, aamma aningaasaliisartunut aqutsivinnut kiisalu Kalaallit Nunaanni suliffeqarfimmik piginnittumut qullersamut suliffissuarmullu, taakku § 170, imm. 3-mut ilaappata, aningaasaatinut tunngavinnik nalunaaruteqartarneq pillugu maleruagassanik aalajangersaanissamut Finanstilsyni tunngavissinneqassasoq. CRR-imi maleruagassat, kiisalu aningaasaateqarfinnut akunnermuliuttartunut suliakkiutinik tigusinissamut ingerlatseqqinnissamullu kiisalu aningaasaliinissamut siunnersuinermut taamaallaat akuersissuteqartunut, aamma sullitamik pigisaannik aningaasanik imaluunniit pappiaqqanik aningaasanik nalilinnik toqqortaqqanngitsunut, aamma aningaasaliisartunut aqutsiviit siunissami aningaasartuutit qularnartut (peqataanermi

pisussaaffiit qularnartut tamarmiusut) naatsorsuisannginnissaat tunuliaqutaralugu Finanstilsynimut tungavissiap atuuttup killeqartinneqarneranut allannguutit takussutaapput.

Siunnersuutigineqarpoq § 143, imm. 1, nr. 7 atorunnaarsinneqassasoq, tassa taarsigassarsinissamut naliliisarfinnik akuersisarneq pillugu maleruagassat aamma taarsigassarsinissamut naliliisarfiit taarsigassarsinissamut naliliinerit periutsillu pillugit paasissutissanik tamanut saqqummiussisarnerat siunissami CRR-imi malittarisassaqaartinneqassammata, taanna inatsisikkut Kalaallit Nunaannut atulersinneqassasoq siunnersuutigineqarluni.

Siunnersuutigineqarpoq § 143, imm. 3 allangortinneqassasoq, taamaalilluni peqataanermi pisussaaffiliisut aningaasanik qularnartunik aningaasaatinullu tungavinnut piumasaqaatinik naatsorsuinnermut suliffiup iluani periutsit atorneqarnerinut tungasoq maleruagassaq kiisalu suliffiup iluani periutsit atorneqarnissaannut akuersissut pillugu erseqqinnerusumik maleruagassaliornissamut tungavissiaq taamaallaat CRR-imi takuneqarsinnaalerlutik, taanna inatsisikkut Kalaallit Nunaannut atulersinneqartussatut siunnersuutigineqarluni, suliffeqarfinnut CRR-imut ilaasunut. Aammattaaq siunnersuutigineqarpoq peqqussumi aalajangersagaq taamaallaat Kalaallit Nunaanni suliffeqarfimmik piginnittumut qullersamut suliffissuarmullu, taakku § 170, imm. 1, 2, 4 aamma 5-mut ilaappata aamma CRR-imi maleruagassanut ilaanngippata. Maleruagassami allannguummi qulakkeerneqarpoq Kalaallit Nunaanni suliffeqarfimmik piginnittumut qullersamut, suliffissuarmut ilaasumut, aamma § 170, imm. 1, 2, 4 aamma 5-mi piumasaqaatinut ilaasunut, aamma CRR-imi maleruagassanut ilaanngitsunut, inatsisikkut Kalaallit Nunaannut atulersinneqartussatut siunnersuutigineqartumi maleruagassat ingerlateqqinneqarput.

Aningaasaatinut matussutissatut siunertanut (IRB) sullitanut suliffiup iluani naliliinerit kiisalu assigiissaarinermi periuseq aamma taarsigassarsinermi annaaneqariaannaat ikilisinnissaannut naatsorsuineq

CRR, inatsisikkut Kalaallit Nunaannut atulersinneqartussatut siunnersuutigineqartoq IRB-mi periutsinut tungasunik teknikikkut malitassanik 14-nik kiisalu nalinginnaasumik taarsigassarsinermi annaaneqariaannarnut tungasunik teknikikkut malitassanik arfinilinnik atulersitsinissamut EU-Kommissionimut tungavissamik imaqarpoq. Peqqussutissatut siunnersuut EU-Kommissionip teknikikkut malitassanik atulersitsinerata malitsigisaanik tamanna pisariaqartinneqarpat maleruagassanik erseqqinnerusunik aalajangersaanissamut Finanstilsynimut tungavissiivoq.

Peqataanermi pisussaaffiit annertuut il.il. pillugit maleruagassat

§ 145-mi peqataanermi pisussaaffiit annertuut pillugit maleruagassat atorunnaarsinneqassasut siunnersuutigineqarpoq, taamaalilluni aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqarsimasumi maleruagassaqaqarunnaarluni, aningaasatigut suliffeqarfiit peqataanermi annertuunik pisussaaffeqalernissaannik killeqartitsisoq. Taamaaqataanik peqataanermi pisussaaffiit annertuut taakkulu nalunaarutigineqartarneri pillugit maleruagassanik erseqqinnerusunik Finanstilsynimut piginnaatitsissummut atuuppoq, § 148 naap.

Aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi § 149, imm. 3-mi innersuussinerup allangortinnissaa siunnersuutigineqarpoq, tassa CRR-ip immikkoortuata sisamaani, inatsisikkut Kalaallit Nunaannut atulersinneqartussatut

siunnersuutigineqartumi peqataanermi pisussaaffiit annertuut pillugit maleruagassat siumut sammisumik aningaaseriviit aamma illuummik qularnaveequsiilluni taarsigassarsisitsisarfiit kiisalu aningaasaateqarfinnut akunnermuliuttartut ilaasa peqataanermi pisussaaffii annertuut malittarisassaliunneqarmata.

Aningaaserivinnut ataasiakkaanut akiliisinnaassuseqarnermut piumasaqaatit immikkuullarissut

Siunnersuut § 152-mi akiliisinnaassuseqarnermut piumasaqaammut atuuttumut ilanngussinermik imaqarpoq aamma illuummik qularnaveequsiilluni taarsigassarsisitsisarfiit akiliisinnaassuseqarneranut tunngasumik aalajangersakkamik nutaamik eqqussilluni, aningaaserivimmi aamma aningaaserivinni ataatsimoortuni akiliisinnaassutsikkut immikkut qularnartunut aamma akiliisinnaassutsikkut aaqqissugaasumik qularnartunut sillimasunik aningaaserivimmut aamma aningaaserivinnut ataatsimoortunut akiliisinnaassutsikkut immikkut piumasaqaatinik Finanstilsynip aalajangersaanissaanut tunngavissiisoq. Siunnersuutikkut akiliisinnaassutsikkut piumasaqaatinik taakkuninnga Finanstilsynip nassuiaasinnaaneranut aamma tunngavissiisoqarpoq.

Akiliisinnaassutsikkut piumasaqaatinik nutaanik eqqussineq aamma § 152-mi akiliisinnaassutsikkut piumasaqaammik aamma § 153-mi inissiinissamut piumasaqaammik atorunnaarsitsineq

Siunnersuut Kalaallit Nunaanni aningaaserivinnut aamma illuummik qularnaveequsiilluni taarsigassarsisitsisarfinnut akiliisinnaassuseqarnermut matussutissanut piumasaqaatit eqqunneqarnissaannut inuussutissarsiornermut siuariartornermullu ministerimut tunngavissiivoq. CRR, inatsisikkut Kalaallit Nunaannut atulersinneqartussatut siunnersuutigineqartoq, taamatut akiliisinnaassuseqarnermut matussutissanut piumasaqaammik imaqarpoq (matuma kingorna taagorneqartoq "LCR"). CRR malillugu piffissami 1. januar 2016-miit 1. januar 2018-mi LCR-imi piumasaqaatip atulersikkiartuaarnissaanut periarfissaqarpoq, taamaattorli taamatut atulersitsiartuaarnermik EU-Kommissionip allanngunissaanut aamma tamakkiisumik 100 pct.-imik atulersitsinissaq 2019-mut kinguartitsinissaanut periarfissaqarluni, tamanna pisariaqartutut nalilerneqarpat.

Nunami oqartussat piffissami LCR-ip tamakkiisumik atulersinnissaata tungaanut nunami akiliisinnaassuseqarnermut matussutissanut piumasaqaatit allanngortinnginnissaannut periarfissaqarput aamma LCR aningaaserivinnut tamanut imaluunniit aningaaserivinnut aalajangersimasunut 1. januar 2016-miit atulersillugu.

Illuummik qularnaveequsiilluni taarsigassarsisitsisarfiit aningaaseriviit assigalugit LCR-imut ilaassapput. Taakkuli § 152-mi piumasaqaammut ilaanngillat, kisiannili taarsiullugulu § 153-miillutik, tassani aningaaseriviit aningaasanik inissiinissaannut piumasaqaatit aalajangersarneqarlutik. Siunnersuutigineqarpoq § 153-mi piumasaqaat § 152-mi piumasaqaammi piumasaqaatit assigalugit aamma tassani piffissaliussat assigalugit atorunnaarsinneqassasoq.

Kiisalu siunnersuutigineqarpoq LCR-i aningaasaateqarfinnut akunnermuliuttartunut atuutsinneqassanngitsoq. CRR, inatsisikkut Kalaallit Nunaannut atulersinneqartussatut siunnersuutigineqartoq, taakkuninnga ilaannginnissamut periarfissiivoq, ingerlatseqatigiiffinnut

taakkununga LCR-imi piumasaqaammik eqqussisumik malerugassanik EU-Kommissioni akuersinissaata tungaanut.

Aningaasaateqarfinnut akunnermuliuttartunut akiliisinnaassuseqarnikkut piumasaqaatit

Siunnersuummiippoq maannakkut § 156-ip atorunnaarsinneqarnera, siunnersuutigineqarluni aalajangersakkamik nutaamik taarserneqassasoq, aningaasateqarfinnut akunnermuliuttartumi imaluunniit aningaasateqarfinnut akunnermuliuttartuni ataatsimoortuni akiliisinnaassutsikkut immikkut qularnartunut aamma akiliisinnaassutsikkut aaqqissugaasumik qularnartunut sillimasunik aningaasateqarfinnut akunnermuliuttartumut imaluunniit aningaasaateqarfinnut akunnermuliuttartunut ataatsimoortunut akiliisinnaassutsikkut immikkut piumasaqaatinik Finanstilsynip piumasaqarsinnaanerani tunngavissisoq.

Aaqqissugaasumik aningaasatigut akiligassarsisitsisarfinnut pingaaruteqartunut (SIFI) akiliisinnaassuseqarnikkut piumasaqaatinik eqqussineq

LCR-ip 1. januar 2018-mi Kalaallit Nunaanni tamakkiisumik atulersinneqarnissaa sioqqullugu Kalaallit Nunaanni SIFI-nut LCR-imi piumasaqaatip qaffanneqarnissaanut Inuussutissarsiornermut Siuariartornermullu ministeri siunnersuutikkut piginnaatinneqarpoq. CRR, inatsisikkut Kalaallit Nunaannut atulersinneqartussat siunnersuutigineqartoq, malillugu nunami oqartussat taamaalillutik aningaaserivinnut tamanut imaluunniit aningaaserivinnut aalajangersimasunut 1. januar 2016-miit LCR-ip 100 pct.-imik atulersinnissaanut periarfissaqarput.

Akissarsisitsisarnermi maleruagassat

Peqqussutikkut siunnersuutigineqarpoq suliffeqarfiup qularnartuinut annertuumik sunniuteqarsinnaasunik ingerlataqartunut atorfilinnut allanut tunngaviusumik akissarsianut aalajangersimasunut naleqqiullugu akissarsiat allanngorartut annertussusissaannut killiliisoqassasoq. Tunngaviusumik akissarsiat aalajangersimasut pensionit ilanngullugit 100 pct.-iinut qummut killiliisoqarpoq, taamaattorli tunngaviusut ilaanni 200 pct.-imut oqatussanit qullersanit qaffanneqarsinnaalluni (nalinginnaasumik ataatsimeersuarnermi imaluunniit sinniisoqarfimmit). Qullersaqarfimmi siulersuisunilu ilaasortanut piumasaqaatit atuuttut, taanna naapertorlugu akissarsiat allanngorartut akissarsiat aalajangersimasut pensionit ilanngullugit 50 pct.-iinit qaffasinnerussanngitsut aalajangiussimaneqarput.

CRD IV malillugu atorfilittanik allanik, ingerlatat suliffeqarfiup annasaqaratarsinnaaneranut annertuumik sunniuteqartunik toqqaanissamut piumasaqaatinut tunngasunik kiisalu akissarsiat ilaannik allanngorartunik tunniussinissamut atassuteqarsinnaasunik sakkut ilaannut naleqqiullugu EU-Kommissionip akuersinissaa siunertarlugu teknikkikkut malitassanik pituttuisunik EBA suliaqassaaq. CRD IV naapertorlugu EU-Kommissionimit akuerineqartuni ingerlatsinermi oqartussat aalajangiinerisa atorneqarnissaannut naammassineqarnissaannuunniit pisariaqartunik maleruagassanik aalajangersaanissamut inuussutissarsiornermut siuariartornermullu ministeri peqqussummi piginnaatinneqarpoq. Piginnaatitsissutip taassuma ilaatigut ministeri teknikkikkut malitassanik killilersuisunik naammassisaqarnissamut piginnaatippaa.

Aammattaq erseqqissarneqarpoq akissarsiat pillugit politikki allaganngorlugu pigineqassasoq, aamma akissarsiat pillugit politikki tamatigut suliffeqarfiup oqartussaanit qullersanit

akuerineqartassasoq, soorlu aamma akissarsiat ilai allanngorartut nassuiarneqarneri erseqqissarneqarsimassasut.

Taakku saniatigut eqqunneqarluni suliffeqarfik siulersuisuni sulisut sinniisaannik sinniisoqarpat sulisunit toqqarneqartut siulersuisuni ilaasortani ikinneerpaamik ataaseq suliffeqarfinni taamatut ataatsimiititaliami pilersitsisimasuni akissarsiat pillugit ataatsimiititaliami ilaasortaassaaq. Akissarsisitsineq suliffeqarfimmi sulisunut tamanut annertuumik pingaaruteqarmat pingaarpoq taakku akissarsiat pillugit politikkimi kiisalu akissarsisitsinermi apeqqutini sunnuteqarnissaat qulakkeerneqarpat.

Kiisalu siunnersuutigineqarluni paasissutissiinissamut pisussaaffiit piffissakkaarneri europami atorneqartunut piffissaliussanut naleqqussarneqassasut.

Piukkunneqartussanut ataatsimiititaliaq aamma pisortatut inissat amerlassusiisa killeqartinneri

Aningaasanik ingerlataqarfimmi siulersuisut suliffeqarfiup illersorneqarsinnaasumik ingerlanneqarnissaata qulakkeerneqarnissaanut siulersuisut ataatsimoorlutik naammattumik ilisimasaqarnissaat, piginnaasaqarnissat misilittagaqarnissaasalu qulakkeerneqarnissaat pillugu piomasagaat siunnersuummi ikkunneqarpoq. Siulersuisunut tamarmiusunut ataatsimoorussamik piomasagaateqarnerup saniatigut erseqqissarneqarpoq ilaasortat ataasiakkaat aamma suliap isumaginissaanut naammattumik ilisimasaqassasut, piginnaasaqassasut misilittagaqarlutillu. Peqqussutissatut siunnersuut aamma aningaasanik ingerlataqarfinni siulersuisut – imaluunniit taakkunani piukkunneqartussanut ataatsimiititaliani - piukkunnaatit piginnaasallu naammattumik assigiinngisitaarnerinik siuarsaasumik siulersuisuni assigiinngisitaarnissamut politikkimik aalajangersagaq pillugu immikkut piomasagaammik peqqussutissatut siunnersuut imaqarpoq.

Ilisimasat misilittakkallu pisariaqartut saniatigut pingaaruteqarlunnarpoq siulersuisuni ilaasortat ataasiakkaat siulersuisuni ilaasortatut suliap aarlerinangitsumik isumaginissaanut piffissamik pisariaqartumik immikkoortitsinissaat. Suliffeqarfinni angisuuni siulersuisuni sulineq ilaasortanit ataasiakkaani annertuumik suliaqarnermik pisariaqartitsisarpoq. Taamaattumik inuup ataatsip isumagisinnaasaanut siulersuisuni inissat qullersaqarfimmilu inissat qassiunissaannut killiliisoqarpoq. Killilersuineq aaqqissugaasumik aningaasatigut akiligassarsisitsisarfinni pingaaruteqartuni aamma nunarsuaq tamakkerlugut aaqqissugaasumik aningaasatigut akiligassarsisitsisarfinni pingaaruteqartuni siulersuisunut ilaasortanut atorneqarpoq. Siulersuisuni qullersaqarfimmilu inissanik qassinik Kalaallit Nunaanni SIFI-mi siulersuisuni ilaasorta qullersaqarfimmilu inissanik qassinik Kalaallit Nunaanni aningaasanik ingerlataqarfiit qullersaqarfimmi siulersuisunilu ilaasortassanik pissarsinissamut periarfissaat aamma Kalaallit Nunaanni SIFI-t kikkunerinik aalajangersaasut piomasagaatit ilanngunneqarput. Tamatuma malitsigisaanik qullersaqarfimmi siulersuisunilu inissanik qassinik Kalaallit Nunaanni SIFI-mi siulersuisuni ilaasortap inissisimaffigiasinnaasai aalajangersarneqarput, taamaalilluni aaqqissugaasumik aningaasatigut akiligassarsisitsisarfinni pingaaruteqartuni aamma nunarsuaq tamakkerlugut aaqqissugaasumik ani-ngaasatigut akiligassarsisitsisarfinni pingaaruteqartuni Danmarkimi siulersuisunut ilaasortanut atorneqartut killiliussanut naapertuullutik imaluunniit qaangersimallugit.

Kiisalu aningaasanik ingerlataqarfiit, børsimi nalunaarsorsimasut imaluunniit 1.000-nik amerlanerusunilluunniit sulisoqartut, piukkunneqartussanut ataatsimiititaliamik pilersitsinissaat pillugu piumasaqaat ikkunneqarpoq. Piukkunneqartussanut ataatsimiititaliamik pilersitsinerup siulersuisuni sulianut tunngasut suliassat arlallit piukkunneqartussanut ataatsimiititaliamit immikkut suliarineqarnissaat qulakkiissavaa. Peqatigisaanik siunnersuutigineqarpoq suliffeqarfik, aaqqissugaasumik aningaasatigut akiligassarsisitsisarfitut pingaaruteqartutut aamma nunarsuaq tamakkerlugut aaqqissugaasumik aningaasatigut akiligassarsisitsisarfitut pingaaruteqartutut toqqarneqarsimasoq piukkunneqartussanut ataatsimiititaliamik pilersitsinissaat, suliffik børsimik nalunaarsorsimanersoq imaluunniit 1.000-nik sulisoqarnersoq apeqqutaatinnagu.

Kunngip peqqussutissaatut siunnersuutikkut Finanstilsyni aaqqissugaasumik aningaasatigut akiligassarsisitsisarfinni pingaaruteqartuni siulersuisunut ilaasortanut, pineqartup inissisimaffigisinnaasaanut qullersaqarfimmi siulersuisunilu inissat amerlassusaat pillugit piumasaqaatinik naammassinninngitsunut akuliunnissamat periarfissaqarpoq, pineqartup suliarnik unitsitsinissaa peqqullugu.

Qularnartut pillugit ataatsimiititaliat

Siunnersuutigineqarpoq aningaaserivinni, illuummik qularnaveequsiilluni taarsigassarsisitsisarfinni aamma aningaasaateqarfinnut akunnermuliuttartuni I-ni, børsimi nalunaarsorsimasut imaluunniit 1.000-nik amerlanerusunilluunniit sulisoqartuni, qularnartut pillugit ataatsimiititaliamik pilersitsinissaat pillugu piumasaqaat ikkunneqassasoq. Qularnartut pillugit ataatsimiititaliaq qularnartut, niuernermi immikkoortuni sutigulluunniit suliffeqarfimmut mianernartut pisariaqartumik paasisaqarfiginissaannut aamma siulersuisuni aalajangerneqartut mianernartut piviusumillu mianernartut akornanni ataqatigiittoqarnissaanik suliffeqarfimmut qulakkeerinissamat iluaqutaassaaq. Aalajangersakkamat ilaasunut aningaasanik ingerlataqarfinnut qularnartut pillugit ataatsimiititaliamik pilersitsinissaq pillugu piumasaqaat apeqqutaatinnagu mianernartunik aqutsinermut tunngasuni aningaasanik ingerlataqarfinnut nalinginnaasumik atuuttunik aalajangersakkanut atuuttunut suli naammassinnissapput.

Peqatigisaanik siunnersuutigineqarpoq suliffeqarfik, aaqqissugaasumik aningaasatigut akiligassarsisitsisarfitut pingaaruteqartutut (SIFI) aamma nunarsuaq tamakkerlugut aaqqissugaasumik aningaasatigut akiligassarsisitsisarfitut pingaaruteqartutut (G-SIFI) toqqarneqarsimasoq qularnartut pillugit ataatsimiititaliamik pilersitsinissaa pillugu piumasaqaat ikkunneqassasoq, suliffeqarfik børsimi nalunaarsorsimanersoq imaluunniit 1.000-nik amerlanerusunilluunniit sulisoqarnersoq apeqqutaatinnagu.

Pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinerit

Peqqussutissamat siunnersuummi aningaasanut ingerlataqarfinnut pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinermik pilersitsinissaq pillugu piumasaqaateqarnissaq siunnersuutigineqarpoq.

Pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinerup atuuffiisaanut ilaapput aningaasanik ingerlataqarfiit – aningaaseriviit aamma

illuummik qularnaveeqqusiilluni taarsigassarsisitsisarfiit aamma aningaasaateqarfinnut akunnermuliuttartut I kisimik pineqarnatik – aningaasatigut malittarisassanik tamanik unioqqutitsineri. Aningaasatigut malittarisassat tamarmiusunut annertusisitsineq eqqarsaatigalugu tamatumunnga tunuliaqutaasoq tassaavoq, unioqqutitsineq nalunaarutigissallugu eqqarsaatigisartik, nalunaaruteqarnertik sioqqullugu pissutsit isornartuusinnaasut inatsinilluunniit unioqqutitsinerit pillugit paasissutissiisunik illersuisunik maleruagassanut ilaanersut sulisut nalilersuisappata naleqqutissanngimmat. Siunnersuut naapertorlugu piumasaqaataannngilaq aningaasanik ingerlataqarfinni siulersuisuni ilaasorta q pissutsit isornartuusinnaasut inatsinilluunniit unioqqutitsinerit pillugit paasissutissiinermik aqqissuussinermut nalunaaruteqarsinnaassasoq. Aningaasanik ingerlataqarfinni siulersuisuni ilaasortat peqqussutissatut siunnersuut naapertorlugu aningaasatigut malittarisassanik unioqqutitsinerit Finanstilsynimut nalunaarutigisussaavaat, malittarisassanik unioqqutitsinernik Finanstilsynimut nalunaaruteqartoq inuk pillugu paasissutissanik isertuussanik ingerlatitseqqinnera pillugu inerteqqussut ataaniittoq erseqqinnerusumik takuuk.

Aningaasatigut malittarisassanut ilaapput malittarisassat, Finanstilsynip ingerlataqarfianiittut, imatut paasillugu inatsisit, peqqussutit nalunaarutillu, kiisalu EU-mi malittarisassat, Kalaallit Nunaannut atulersinneqarsimasut, Finanstilsynimit nakkutigineqartut. Inatsisini peqqussutinilu, Finanstilsynip oqartussallu allat nakkutigisaanni ilaasut, oqartussat allat kisimik nakkutigisaat, kunnqip peqqussutissatut siunnersuummi aningaasatigut malittarisassanut ilaangillat.

Amerlanertigut suliffeqarfinni atorfillit malittarisassanik unioqqutitsinerusinnaasut pillugit paasissutissanut qaninnerusarmata immikkut naleqquppoq immikkut aqquteqarlutik paasissutissat taakku suliffeqarfimmut nalunaarutiginnissaannut periarfissaqarnerat, ulluinnarni aqutsisunit immikkoortoq atassuteqanngitsorlu, taamaalilluni pissutsit inatsisinut akerliusut iluarsineqarnissaannut suliffeqarfik periarfissaqalerluni.

Suliffeqarfinni ilaasuni pissutsit isornartuusinnaasut inatsinilluunniit unioqqutitsinerit pillugit paasissutissiinermik aqqissuussinermik pilersitsisoqarneratigut suliffeqarfiit ilaatigut aningaasanut tunngasuni malittarisassanik unioqqutitsinernut pitsaaliusinnaapput imaluunniit qisuariarsinnaallutik, tassa aqqiinerit allat sunniuteqarsimanngippata piffissami siusissukkut annertunerusumik akulinnissamut periarfissaqarlutik. Peqatigisaanik naatsorsuutigineqarpoq aqqissuussineq pitsaaliuinerimik kinguneqarumaartoq.

Pissutsit isornartuusinnaasut inatsinilluunniit unioqqutitsinerit pillugit paasissutissiinermik aqqissuussinermik suliffeqarfinni ilaasuni pilersitsisoqarneratigut naatsorsuutigineqarpoq malittarisassanik unioqqutitsinernik imaluunniit unioqqutitsinerusinnaasunik nalunaaruteqarnissamut suliffeqarfinni atorfeqartut, tassunga ilanngullugit qullersaqarfik, annertunerusumik kajumissuseqalissasut.

Suliffeqarfik pissutsit isornartuusinnaasut inatsinilluunniit unioqqutitsinerit pillugit paasissutissiinermik aqqissuussineq suliffeqarfimmut allamut suliassannngortissinnaavaa, aqqissuussineq inatsimmi piumasaqaatinut naammassinnippat. Suliffeqarfiup aqqissuussinermik allamut suliassannngortitsinerani inatsisitigut pisussaaffini pisussaaffiunnaarsinnaannngilai, suliffeqarfillu taamaalilluni aqqissuussinerit inatsimmi piumasaqaatinut naammassinninnissaannut suli akisussaallutik. Suliffeqarfik, suliffeqarfik pissutsit isornartuusinnaasut inatsinilluunniit

unioqqutitsinerit pillugit paasissutissiinermik aaqqissuussinermik pisussaaffeqarteq sinnerlugu aaqqissuussinermik isumaginnittoq, aqutsisoq allatigulluunniit passussisoq, tamatumunnga akornutaasinnaasunik immikkut inatsisinik allanik arajutsinaveersaassaaq. Suliffeqarfik, suliffeqarfik pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinermik pisussaaffeqarteq sinnerlugu aaqqissuussinermik isumaginnittoq, aqutsisoq allatigulluunniit passussisoq aamma suliffeqarfiup assersuutigalugu pinnerlunnikkut pissarsisiat pillugit inatsit, kunngip peqqussutaatigut Kalaallit Nunaannut atulersinneqarsimasoq malillugu ilaasumi suliffeqarfiup inatsisit malillugit paasissutissiinissamut pisussaaffigisinnaasai arajutsinaveersaassavai, tassa inatsisissatut siunnersuutip matuma tamatuma allannngortinnissaa siunertarinngimmagu.

Pissutsit isornartuusinnaasut inatsisinilluunniit unioqqutitsinerit pillugit paasissutissiinermik aaqqissuussineq aamma ataatsimoorluni isumaqatigiissuteqarnikkut pilersinneqarsinnaavoq. Piviusumik tamanna isumaqarpoq sulisitsisut sulisartullu suliffeqarfimmik isumaqatigiissuteqarneq malillugu aaqqissuussinermik pilersitsinissamut periarfissaqarput assersuutigalugu suliatigut kattuffimmi, suliffeqarfinni ilaasuni atorfeqartut unioqqutitsinermik tassunga nalunaaruteqarsinnaallutik. Ataatsimoorluni isumaqatigiissutit aqutitigalugit aaqqissuussinerit pilersinneqartut suliffeqarfiit nammineq pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinerinut ilaasunik piumasaqaatinik naammassinnissapput.

Suliffeqarfiit tallimanik ikinnerusunilluunniit sulisoqartut pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinermik pilersitsinissamut piumasaqaammut ilaatinnginneqarsinnaapput. Taamatulli ilaatisinnginneq aningaaserivinnut, illuummik qularnaveeqqusiilluni taarsigassarsisitsisarfinnut aamma aningaasaateqarfinnut akunnermuliuttartunut atuutinngilaq.

Siunnersuutigineqarpoq aningaasatigut malittarisassanik unioqqutitsinerit imaluunniit unioqqutitsinerusinnaasunik pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinernut nalunaarutigineqarsinnaasut, tamanna isumaqarpoq kukkuluttonerit ilungersunartut ilungersunannnginnerillu nalunaarutigineqarsinnaasut, aamma suliffissuarmut imaluunniit suliffeqarfimmut tamarmiusumut pingaaruteqarlunnannngitsut unioqqutitsinerit pillugit nalunaaruteqartoqarsinnaalluni.

Finanstilsynimut imaluunniit suliffeqarfimmi pissutsit isornartuusinnaasut inatsisinilluunniit unioqqutitsinerit pillugit paasissutissiinermik aaqqissuussinermut unioqqutitsinernik nalunaaruteqarnerup malitsigisaanik iluaqutissaanngitsumik pineqarnermut imaluunniit iluaqutissaanngitsumik malitseqartitsinermut inerteqqussut

Pissutsit isornartuusinnaasut inatsisinilluunniit unioqqutitsinerit pillugit paasissutissiinermik aaqqissuussineq naleqquttumik ingerlasinnaassappat pingaarpoq sulisut unioqqutitsinernik Finanstilsynimut pissutsit isornartuusinnaasut inatsisinilluunniit unioqqutitsinerit pillugit paasissutissiinermik aaqqissuussinermut nalunaaruteqartut iluaqutissaanngitsumik pineqarnermut imaluunniit iluaqutissaanngitsumik malitseqartitsinermut tulluartumik illersorneqarnissaat qulakkeerneqarpat. Suliffeqarfinnut, Finanstilsynimit nakkutigineqartunut taakkunanilu sulisunut malittarisassat assigiiarnissaat qulakkeerneqarnissaa siunertaralugu tamanna tunuliaqtaralugu

inatsisissatut siunnersuummut ilaapput unioqqutitsinernik imaluunniit unioqqutitsisinaanernik Finanstilsynimut sulisut tamarmik nalunaarutaat kiisalu suliffeqarfinni Finanstilsynimit nakkutigineqartuni pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinermut unioqqutitsinernik imaluunniit unioqqutitsisinaanernik sulisut tamarmik nalunaarutaat.

Siunnersuut taamaattumik pineqartup unioqqutitsinernik Finanstilsynimut imaluunniit suliffeqarfimmi maleruagassanut ilaasumi pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinermut nalunaaruteqarnerata malitsigisaanik sulisut iluaqutaanngitsumik iliuuseqarfiginissaannut inerteqqussummik imaqarpoq.

Aammattaq malittarisassanik Finanstilsynimit nakkutigineqartunik unioqqutitsinerit pillugit nalunaaruteqarnerup malitsigisaanik iluaqutaanngitsumik pineqartoq iliuuseqarfigineqarpat sulisup ajunngitsorsiassaqartinnissaannut siunnersuut periarfissiivoq. Kiisalu siunnersuutigineqarluni sulisumut iluaqutaanngitsumik iliuuseqarfigineqarsimasumut isumaqatigiissuteqarnikkut aalajangersagaq saneqqunneqarsinnaassanngitsoq, suliffeqarfiup unioqqutitsinera Finanstilsynimut imaluunniit pissutsit isornartuusinnaasut inatsinilluunniit unioqqutitsinerit pillugit paasissutissiinermik aaqqissuussinermut sulisup nalunaaruteqarnera pissutigalugu. Angutit arnallu naligiissitaanerata pillugu Inatsisartut inatsisaat nr. 3, 29. november 2013-meersoq malillugu suleriaaseq aallaavigalugu ajunngitsorsiassat aalajangersarneqassapput.

Immikkoortortat aamma killeqarfinni qaangiisut kiffartuussinerit

Siunnersuut maleruagassanik, CRD IV-mik naammassinnittunik unioqqutitsinernik, imaluunniit CRR-imik, inatsisikkut Kalaallit Nunaannut atulersinneqartussatut siunnersuutigineqartumik eqqortitsinngitsunik, nunani allaneersup aningaaseriviup immikkoortortaanit ingerlanneqartunik Finanstilsyni qanoq passussissanersoq pillugu aalajangersakkamik imaqarpoq. Akiliisinnaassuseqarnermik nakkutilliineq nunap najugaqarfiusup nakkutilliinermi oqartussaanut nuunneqarpat aalajangersagaq aatsaat atuutilissaaq.

Aalajangersakkami nutaami maleruagassanik, CRD IV-mik naammassinnittunik unioqqutitsinerani imaluunniit CRR-imik eqqortitsisoqannginnerani Finanstilsyni nunami najugarisami nakkutilliinermut oqartussanut saaffiginnissaaq. Nunami najugarisami nakkutilliinermi oqartussat isumaqarpata illuummik qularnaveeqqusiilluni taarsigassarsisitsisarfik imaluunniit immikkoortortaq maleruagassanik unioqqutitsisimasoq naleqquttumik qanoq iliornissamut nunami najugarisami oqartussat aallartitsissapput eqqortitsinnginnermik illuummik qularnaveeqqusiilluni taarsigassarsisitsisarfiup aaqqiiniarnera imaluunniit eqqortitsinnginnermut mianernartuusinnaasut pinngitsoortinnissaanut qanoq iliuuseqarnerit aallartinneqarnissaat qulakkeerniarlugit.

Allaffissornikkut inatsisitigut akisussaasunut inunnullu tutsinneqartut tamanut saqqummiunneqarneri

Peqqussummi siunnersuutigineqarpoq allaffissornikkut pineqaatissiinerit Finanstilsynip nittartagaani tamanut saqqummiunneqarsinnaalissasut, tassa uparuaanerit peqqussutillu, inatsisitigut akisussaanut inullu tutsinneqartussat, aalajangersakkanik erseqqinnerusumik allanneqartunik unioqqutitsinernut akisussaasunut.

Tamanut saqqummiussinermi, aalajangiineq Erhvervsankenævnumut imaluunniit eqqartuussivinnut suliaassanngortinneqarpat, killiffik kiisalu tamatuma kingorna suliaakkiutip inernerana tamanut saqqummiunnissanut Finanstilsynimut pisussaaffimmik ikkussisoqarpoq.

CRD IV-mi aamma CRR-imi aalajangersakkani pissutsinik immikkut allanneqarsimasunik unioqqutitsisoqartillugu, aamma atip taaneratigut tamanut saqqummiussineq suliffeqarfimmut annertuumik ajoqusiinermik kinguneqassappat, misissuinerit eqqarsaatigalugit tamanut saqqummiussinissaq pissusissamisoornani, imaluunniit tamanut saqqummiussineq aningaasaqarnikkut patajaassusermut ernumatitsilerluni, kinaanera paasineqarsinnaajunnaarlugu Finanstilsyni taamaallaat tamanut saqqummiussissaq.

Tamanna aamma inuit pineqarpata atuuppoq, aamma atia taallugu tamanut saqqummiussinermi inuiaqatigiit eqqarsaatigalugit inuup eqqarsaatigineranut naleqqiullugu naapertuutinningsutut nalilerneqarpat.

Aningaaseriviit, illuummik qularnaveeqqusiilluni taarsigassarsisitsisarfiit aningaasaateqarfinnullu akunnermuliuttartut ilaannik ulapaarnerannik misissuinerup inerneranik Finanstilsynip tamanut saqqummiussinera

Aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi aalajangersakkamik ikkussisoqassasoq siunnersuutigineqarpoq, tamatuma kingorna ulapaarnermik misissuinerit inernerinik Finanstilsyni tamanut saqqummiussinnaalerluni. Aammattaaq CRD IV-mit takuneqarsinnaavoq Finanstilsynip nipangiussisussaataitanera taakkuninnga ulapaarnermik misissuinerit inernerit pillugit paasissutissat EBA-mut Finanstilsynip ingerlatitseqqissinnaaneranut akornusiinngilaq, taamaalilluni inernerit tamanut saqqummiunneqarsinnaallutik. Tamatuma kingunerisaanik siunnersuutigineqarpoq aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi § 354, imm. 7-mi tunngavissamik ikkussisoqassasoq tamanna pillugu paasissutissanik Finanstilsyni EBA-mut ingerlatitseqqinnaalluni.

Pilersitseqqinnissamut pilersaarutit

Siunnersuutigineqarpoq aningaaseriviit, illuummik qularnaveeqqusiilluni taarsigassarsisitsisarfiit aamma aningaasaateqarfinnut akunnermuliuttartut I-it tamarnik aallaaviatigut pilersitseqqinnissamut pilersaarusiussasut. Finanstilsyni pilersitseqqinnissamut pilersaarut pillugu piumasaqaammiit det Systemiske Risikorådi tusarniareerlugu immikkut akuersisinnaavoq. Sulinerup ingerlanera pillugu maleruagassat erseqqinnerusut aamma pilersitseqqinnissamut pilersaarummut piumasaqaatit nalunaarutikkut aalajangersarneqassapput.

Finanstilsynip siulersuisui

Danmarkimi Det Finansielle Rådi inatsisikkut nr. 268, 25. marts 2014-meersukkut atorunnaarsinneqarpoq peqatigisaanillu Finanstilsynimut siulersuisunik pilersitsisoqarluni. Siulersuisut Finanstilsynip qullersaqarfianut suliatigut, aqqissugaanikkut aqutsisoqarnikkullu siunnersuisarput, peqatigisaanillu siulersuisut siusinnerusuklut Det Finansielle Rådimitinneqartut suliaasaqarfittigullugit, tassunga ilanngullugu suliani tunngaviusuni aamma nakkutilliilluni suliani,

annertuunik kinguneqartitsisinnaasuni nakkutilliinikkut aalajangiisarlutik. Aammattaaq nakkutilliisarnerit aaqqissuunneri siulersuisunit akuerineqartarlutik, nakkutilliinerup ingerlanneqarnissaanut periusissatut anguniakkat aalajangersarlutik, Finanstilsyni pillugu ukiumoortumik nalunaarusiaq akuerisarlugu, kiisalu taakkuninnga atulersitsitsinissamut Finanstilsynip oqartussaaffigisaani immikkoortuni nalunaarutit ilitsersuusi allu akuerisarlutik.

Peqqussummi tassani Finanstilsynip siulersuisuinit tunngasut maleruagassat allatorneqarput.

Peqataanermi pisussaaffiliisunik qularnartunik imaluunniit aningaasaatinut tunngavinnut piunasaqaatinik naatsorsuineq pillugu suliffiup iluani periutsit atorneqarnissaannut akuersissutinik nakkutilliineq, tassunga ilanngullugu akuersissutinik arsaarinninneq

Suliffiup iluani periutsinik atuinermut piunasaqaatinik naammassinnittoqartinnagu nakkutilliinermi qisuariarnerit kiisalu suliffiup iluani periutsinik atuinissamut akuersissutinik arsaarinninneq siunnersuummi malittarisassaqaartinneqarput.

Malittarisassanik unioqqutitsinernik Finanstilsynimut nalunaaruteqartoq inuk pillugu paasissutissanik ingerlatitseqqinnissamut inerteqqussut

Siunnersuutip kingunerisaanik inuk pillugu paasissutissanik Finanstilsyni ingerlatitseqqusaanngilaq, pineqartoq aningaasanut tunngasuni maleruagassanik atulersinneqarsimasunik unioqqutitsinerit imaluunniit unioqqutitsisinnaanerit pillugit suliffeqarfik Finanstilsynimut nalunaarutigineqarpat. Siunnersuutip taamaalilluni kinguneraa inuk malittarisassanik unioqqutitsinermi sulkiffeqarfimmik Finanstilsynimut nalunaaruteqartoq inuk pillugu paasissutissat allagaatinik paasitinneqarsinnaatitaavoq.

Kunngip peqqussutissaatut siunnersuut malillugu tamanna atuutinngilaq paasissutissanik ingerlatitseqqinneq § 354, imm. 6-mi Finanstilsynip nipangiussisussaataitaneranut ilaatinneqanngitsunut ilaappata.

Nipangiussisussaataitaneq pillugu aalajangersagaq

Inatsisissatut siunnersuummi ilaatigut siunnersuutigineqarpoq suli allanik pisunik allanik ikkussusisoqassasoq, sukanganerusumik nipangiussisussaataitaasoqaraluartoq Finanstilsyni oqartussanut, aningaasaliinermi sillimasiisunut aaqqissuussinernut, EU-mi naalagaaffinni ilaasortaasuni paasisimasalinnut il.il. paasissutissanik isertuussassanik ingerlatitseqqissinnaalluni aamma - piunasaqaatit erseqqinnerusumik allanneqartut naapertorlugit – nunani isumaqatigiisummut ilaanngitsuni.

Paasissutissiinissamut pisussaaffiit

Kunngip peqqussutissaatut siunnersuummi siunnersuutigineqarpoq CRR-ip, inatsisikkut Kalaallit Nunaannut atulersinneqartussatut siunnersuutigineqartup immikkoortuata arfineq pingajuanni paasissutissanik ukiumut ataasiarluni amerlanerusunik tamanut saqqummiussinissaq pillugu Finanstilsynip piunasaqaateqarnissaanut periarfissiisoqassasoq, kiisalu inatsimmi ukiumoortumik nalunaarusiamit allaanerusumi tusagassiutit allat atorneqarnissaannut piunasaqaateqarsinnaalluni. Siunnersuutikkut aamma suliffissuup inatsisitigut aaqqissugaanera aamma aqutsisoqarnera kiisalu

suliffissuup aaqqissugaanera pillugu paasissutissat suliffissuup piginnittua tamanut saqqummiussissasoq Finanstilsyni piumasaqaateqarnissaanut nutaamik periarfissiisoqarpoq.

Suliffissuarmi maleruagassat aamma isumannaallisaaneq

Siunnersuutigineqarpoq Kalaallit Nunaanni aningaasatigut suliffissuit tamarmik siunissami CRR, inatsisikkut Kalaallit Nunaannut atulersinneqartussatut siunnersuutigineqartoq naapertorlugu imaluunniit aningaasanik ingerlataqarneq pillugu inatsit, kunngip peqqussutaatigut Kalaallit Nunaannut atulersinneqartoq naapertorlugu aningaasaatinut tunngavinnut piumasaqaateqarfigineqartassasut. Aningaasanik ingerlataqarneq pillugu inatsit, kunngip peqqussutaatigut Kalaallit Nunaannut atulersinneqartoq aningaaserivinni suliffissuarnilu, CRR-imut ilaangitsuni, kiisalu aningaasanik piginnittut suliffeqarfinnut, CRR-imut ilaasunut aningaasaatinut tunngaviit pillugit maleruagaasatigut aningaasanik piginnittut suliffeqarfinnut aningaasaatinut tunngavinnut sulii piumasaqaateqarfigineqartassapput.

Aamma siunnersuutigineqarpoq aningaasanik ingerlataqarneq pillugu inatsit, kunngip peqqussutaatigut Kalaallit Nunaannut atulersinneqartoq, suliffissuarnut annerusumik ingerlataqarfiup iluani ingerlataqartunut, aamma suliffissuuaq CRR-imut, kunngip peqqussutaatigut Kalaallit Nunaannut atulersinneqartussatut siunnersuutigineqartumut ilaanani, sulii ingerlataqarfinnut immikkut piumasaqaateqarfigineqartassasoq, tassunga ilanngullugu ataasiakkaanut akissaqassutsimut pisariaqartitsinerit allallut aningaasaatigut piumasaqaatit.

Aammattaaq erseqqissaatigineqarpoq aningaasanik ingerlataqarneq pillugu inatsimmi, kunngip peqqussutaatigut Kalaallit Nunaannut atulersinneqartumi kapitali 12-mi piumasaqaatit Kalaallit Nunaanni suliffeqarfimmu piginnittumut qullersamut sammitinneqassasut.

Aaqqissugaasumik mianernartut annertusiartornerat illuatungilerniarlugu utaqqiisaasumik sukaterisoqarnissaanut periarfissat

Kunngip peqqussutissaatut siunnersuummi siunnersuutigineqarpoq immikkoortoq 458 Kalaallit Nunaanni inatsisini atorneqarnissaanut inatsisitigut tunngavissat naammassineqassasut. CRR-imi immikkoortoq 458 aningaasanik ingerlataqarfinni aningaasatigut naleqqussaanerit imaluunniit aaqqissugaasumik mianernartut annertusiartornissaasa illuatungilernissaat siunertarlugu CRD IV-/CRR-imi nalinginnaasunik piumasaqaatinik nalinginnaasumik qaffasinnerusunik utaqqiisaasumik immikkoortuni toqqarneqarsimasuni qaffaasoqarnissaanut periarfissiivoq.

Inuussutissarsiornermut siuariartornermullu ministeri CRR-mi 458 naapertorlugu nunami sukanganerusunik aaqqiissuteqarnerit atorneqarnissaannut aalajangiinissamut piginnaatinneqarpoq. Sukaterinerit Kalaallit Nunaanni atulersinneqarnissaat sioqqullugu Kalaallit Nunaanni Namminersorlutik Oqartussat tusarniarneqassapput.